



Broj: 01,02,03,04/4-05-1-584/24
Sarajevo, 7. 5. 2024.

KOLEGIJ PREDSTAVNIČKOG DOMA PSBiH
KOLEGIJ DOMA NARODA PSBiH

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 10-05-2024			
Organizaciona jedinica	Klasifikaciona oznaka	Redni broj	Broj priloga

Predmet: Izvještaj sa sastanka Konvencije za jačanje
Centralnoevropske inicijative, održanog 22. aprila u Rimu (Italija)

Delegat u Domu naroda Parlamentarne skupštine Bosne i Hercegovine i predsjedavajući Delegacije PSBiH u Parlamentarnoj skupštini Centralnoevropske inicijative Sređoje Nović učestvovao je 21. i 22. aprila u Rimu na sastanku Konvencije za jačanje CEI-ja.

Drugi sastanak Konvencije za jačanje Centralnoevropske inicijative održan je u prostorijama italijanskog Ministarstva vanjskih poslova i međunarodne saradnje, kojem su prisustvovalе sve zemlje članice CEI-ja. Visoki predstavnici parlamenata i vlada svih zemalja CEI-ja nastavili su raspravu, započetu u Trstu, o daljnjem unapređenju glavne misije Organizacije uzimajući u obzir glavne izazove koji predstoje u pogledu procesa evropskih integracija.

Moderator sastanka bio je generalni sekretar CEI-ja Roberto Antonione, a skup je otvorio generalni direktor za Evropu i međunarodnu trgovinsku politiku italijanskog MVP-a Nikola Verola, koji je podsjetio na porijeklo CEI-ja, njegove glavne ciljeve koji su postignuti tokom godina – posebno u podršci procesa evropskih integracija – i potrebu za njegovim ponovnim pokretanjem kako bi se odgovorilo na aktuelne geopolitičke izazove.

Tokom rasprave učesnici su iznijeli niz ideja i prijedloga za jačanje CEI-ja kroz tri glavne tačke: poboljšavanje političke uloge CEI-ja, jačanje prisustva CEI-ja u Briselu i osnaživanje Sekretarijata CEI-ja;

Što se tiče poboljšanja političke uloge CEI-ja, učesnici su sugerirali da se održavaju samiti CEI-ja, sastanci MVP-a ili drugi politički sastanci u okviru vladine dimenzije CEI-ja na marginama sastanaka EU u Briselu, koji već predviđaju njihovo učešće (tj. premijera, ministara itd.), što može biti korisno i isplativo i u skladu s težnjom da se dalje podrži proces evropskih integracija. Politički stub bi se također mogao ojačati sazivanjem sastanaka političkih direktora u Trstu, kao i kroz valorizaciju Trojke CEI-ja.

U okviru parlamentarne dimenzije CEI-ja govorilo se o potrebi uspostavljanja saradnje s Evropskim parlamentom kroz međusobno učešće na sastancima.

Učesnici sastanka naglasili su važnost promoviranja održivog razvoja kroz efikasnu saradnju orijentiranu na rezultate i regionalno povezivanje, kao i kroz nastavak prakse predstavljanja zajedničkih stavova na sastancima UN-a.

U vezi s jačanjem prisustva CEI-ja u Briselu, predloženo je osnivanje Ureda CEI-ja u Briselu, što se vidi kao mogući put ka jačanju veza sa institucijama EU i što bi moglo doprinijeti jačanju komplementarne uloge CEI-ja u procesu evropskih integracija.


Za jačanje Izvršnog sekretarijata CEI-ja predložen je razvoj „Lokalne dimenzije“ i „Agende mladih“, kao i oblasti kulture i zaštite manjina, i u vezi s tim jačanje ljudskih i finansijskih kapaciteta Sekretarijata korištenjem programa i fondova EU za provođenje projekata u ovim oblastima.

Sljedeći sastanak Konvencije bit će fokusiran na konsolidiranje svih informacija kako bi se razvilo zajedničko političko mišljenje i dale preporuke za buduće akcije.

Naredni i završni sastanak Konvencije za jačanje Centralnoevropske inicijative planiran je početkom jula u Rimu.

Izveštaj pripremila

Nataša Čabak


Sekretarka Delegacije

Izveštaj odobrio

Sredoje Nović


Predsjedavajući Delegacije PSBiH u PSCEI

Dostaviti:

- naslovu
- Komisiji za vanjske poslove PDPSBiH
- članovima Delegacije PSBiH u Parlamentarnoj skupštini CEI-ja
- Sektoru za odnose s javnošću PSBiH
- a/a